

箕

谷

詩

鈔

貧谷詩鈔卷三

海昌查 揆梅史著

讀楊忠愍公與鄭端簡公帖

忠賢遺墨光羅羅公權筆正言非訛豐城獄中虹繞指鄒陽
慷慨原無他公子誰牽上蔡狗右軍肯換山陰鷺馬市日食
兩疏稟想見筆勢騰波戈吾聞世宗好齋醮元修遂受青詞
詫冰山嵯峨消不得二王引用偏遭訶紗才成仁既不媿立
朝安事稍逶迤武原故人康成裔每飯不忘鬢亦瞻南都重
大根本地丁寧那厭涕泗沱或謂贊成別有指帖有南都之
事全仗贊成
云刻舟求劍何其多太阿已落鷓鴣手揮斥羣才猶么麼金
陵留守備員耳何異郎署悲蹉跎直如端簡聲炳烺退食應

恥絲五紵况聞西園盛苞苴又見北寺生風波賈誼痛哭招
白眼袁宏碧血霑青莎挂冠神虎歸去來戴笠久已思槃阿
人之云亡邦國瘁椒山肯賦招隱歌意謂盤根別利器主張
慎勿披漁蓑寥寥數語垂天日此意可信理則那詩成畫肚
不敢寫小人之腹輕揣摩

聞南廬已往蕪城憮然有作二首

百城鎮日擁書籤憔悴何堪爲米鹽入世深時狂漸減依人
難處醉猶嫌眼前門第真衰甚爾後文章况價廉好是著鞭
正年少未須歸去便腰鎌

曉氣清樹暈啼鳥詩榭蒼涼雅集圖對酒當歌惟有爾送人
作郡劇憐吾才名已負仙人博世事爭投玉女壺贏得江南

好風景行吟差慰硯田蕪

山行憇菩提寺遂至海上月出始還

雨過忽如秋松濤滿竹樓風吹山月影并作瀑泉流醉卧蒼藤下行歌碧海頭琴高有赤鯉吾欲問滄洲

答陳半圭

敬璋

櫻桃霏紅葉茉莉香袂衣乍換腰扇涼賓歲客難既寂寞懷人頻詠兼葭蒼檐前乾鵲太格磔瑤函忽墮玉琳瑯翻瀾快讀瓶瀉水慰情反覺神蒼黃伯通庶下君亦爾感士不遇徒偃偃君昔少年馳執苑佩觿如我猶面牆相逢抗手道姓名雲間日下語非狂世上小兒好徵逐臂鷹走狗游俠場耳餘刳頸矢天日須與下石還相戕卽如廣場文字友游戲何異優

俳倡始則標榜繼排擊漫以意氣誇文章豈真三食神仙字
鸞鳩自笑枋榆搶七不堪論可復作如嵇中散真昂昂平生
肝膽頗自負鏡裏鉛水流寒光君於其閒善決擇肯以芥舟
膠坳堂去歲訪我湖上樓墊巾瀟灑神洋洋是時我方嘆伏
櫪得君奚翅馳康莊典琴爲買徑日醉汗血那取羈以纏倨
傲鮮腆足賈禍此語豈不中心藏竊怪豎儒類駟僧矯飾繩
墨欺俗唾若輩只合踰垣避毋寧混迹屠沽傍丈夫懸弧志
四海嬾殘煨芋誠須嘗當其偃蹇守茅舍雞蟲得失應胥忘
狂言四坐駭欲走湖山日落天蒼蒼歸來又經半載別橫山
龍嶺遙相望寄書慰我語刺刺感激便想寒衣裳無言不訓
還自晒步兵塊磊終荒唐

接南廬蕪城書知其旅況蕭瑟卻寄四首

夜夜江湖下越州茫茫鄉思一登樓處囊有客同毛遂逆旅
何人識馬周疎柳鴉歸隋苑暮片帆雨帶秣陵秋書來無限
途窮感始悔臨歧少石尤

涼蟾照徹碧琅玕正憶吳頭少羽翰閉戶倘餘田二頃依人
何取鋏三彈欲將身世歸通隱久已文章薄說難知爾壯心
猶伏櫪開緘曾爲減晨餐

涼葉西風不忍聞琴尊幸有未離羣陸雲只解逢人笑任昉
猶能定我文秋早漸知詩骨瘦花寒微借酒顏醺無多同調
關心切纔得相逢便話君

舊游投轄太疎狂檢點曾無儋石藏好客豈知翻作客故鄉

難住况他鄉計違始悟嗙中鹿名在寧甘糞底蛻好賦歸來
重九近新醅莫負菊花黃

喜南廬歸

依舊青蓑一釣徒十年真自悔懸弧翻驚別久鄉音改猶喜
交深淺語無雪北香南勞躑躅歌頭酒尾記模糊明朝且了
尋山約絕壁題詩興未孤

謁張忠烈公墓

魯藩兵氣黯滄洲丞相祠堂叱牧牛鴈宕寒深虹貫日龕山
濤落雪驚秋頭顱已送田橫島妻子虛隨范蠡舟更向江南
懷閣部梅花嶺上暮雲愁

望秦駐山作

峩峩馬嘯城百雉圍煙鬢其南聳秦駐一柱當狂瀾至今笑
嬴政鞭石滄江灣驪山一坏土玉匣留人寔此論通通國雷
同亦可刪學仙無不可柰何天所慳果能游物外鸞背尋阿
環元子亟監國高也何足患然後訪崆峒或至瑯琊山錄言
亡秦胡扶蘇非愚頑當其諫坑儒固已大體爛恬毅况忠信
百萬弧矢鸞旣無長城勞何有沙邱慙奈何阿房內姪女爲
金丹韞鯨啟首塗遂釀鹿馬姦由來求仙首父子良獨難吾
言豈無徵徵諸孝武間峩峩思子臺高與金莖攀服食苦不
悟千載蒙嘲訕此山有日平徐福無時還

答馮補亭

徽軫蒼涼嬾手揮離情黯黯對斜暉吳江楓冷人初去茂苑

霜高雁獨飛，屠狗客憐。今日少門雞，場覺少年非。敝裘莫便
匆匆典，及此嚴寒雨雪霏。

張明經書至卻寄

魚書莫問近時顛，塵累多拋斷簡邊。花月合曾勞補綴，蠓春
秋尙費丹鉛。綠陰茶榻清如畫，寒雨琴心滌入禪。一事更堪
誇向爾，雪深便欲跨吟羈。

紹興石經

漢魏而下石經七，三體邯鄲八分邕。後來作者各殊構，蘭臺
漆書猶夢夢。臨安南渡鼎旣定，陳倉寶雞羅其雄。帝慮東行
吾道梗，鈞天夜召穠華宮。麟經與左史，天藻驚贖龔。易詩書
魯論孟子以次詔，示槐廳東臣臨安尹。澄刊石發硯癸亥之

秋冬後來五篇孰所補磻也搜訪淳熙中父子各擅書畫癖
有幸不幸憑天公一則正位一被擄此事咄咄唯書空武昌
故第作太學偏安已自甘邯鄲州民柱文飾祥瑞夫差忘越
真惛悞吾謂二者得失各不能相蒙同袍例須憤所切究心
文治非愚蠢未聞癰疽需艾砭丙養遂癢參苓功綿延國祚
亦有故周禮在魯難爲攻所惜孝經獨不列庠序未免慙德
咎朕躬

與吳茂才夜話

憐君似秋鴈易起旅人愁
夢醒礎雙杵燈寒雨一樓
黃花吟影瘦白鷺鬢毛秋
無那聆情話荒鷄亂唱籌

歲暮檢一年所作詩偶成

未必前賢畏後生才華弱冠且縱橫敢從當世論家事直爲
窮交記姓名語愛齊諧聊作達句工吳體亦關情爾來不爲
吟詩瘦珍重人間月旦評

春日卽詠

白鷗紅杏好風餘江北江南漫跨驢春雨棧臺歸燕候落花
時節送人初禁持客病仍中酒料理閒愁且癡書終日沉吟
還自笑隱侯腰帶近何如

夜坐有懷少白三首

一夜落梅風懷君碧海東燈將涼露白夢逐曉煙空書札元
瑜密詩名子美窮母爲賦搖落愁劇易成翁

豪情誰獻策獨客且銜杯浪險知帆力途長盡驥才零丁山

雨苦躑躅野花開惟爾雄風似相逢卽快哉

畢竟窮交好平生賸俠腸狗屠成慷慨牛屋僅相羊結客黃金盡投人白璧傷相看篋中劍鬢影有邊霜

少年行爲吳子修作

吳郎少年面白皙七歲才名鬪雞檄紅禪錦紋妙無比淪落風塵忽三十青銅爲買玉加皮定州瓷盃暹羅犀相逢爛醉銅街上要借東家蹇驢騎忽聞緹騎來江表故人被逮長安道悲涼張儉怨流亡慷慨王成作傭保一舸相隨下越州韭英木葉百不愁雲濤滾滾二千里直上金焦最上頭脫裘換酒酒一斛吏人不敢相催促依然謝客愛登臨那屑楚囚成痛哭此時意氣人盡驚黃衫押衙問姓名短衣擬逐龍城戍

逆旅寧知馬角生歸來卻過吹簫市吳姬十五髮垂耳微吟
握蘭金莖詩一笑相看爲卿死朝唱采香暮采菱佛奴已費
千吳綾不聞書札朱齡石尙憶鄉園張季鷹君不見鴛鴦湖
水濃於墨湖上櫂歌腸斷絕絲絲楊柳射襄城少婦高樓吹
玉笛

飲巒莊

吾不用辟穀昇天衢亦不重鳴珂游帝都願貸營室錢十萬
載向餘杭償酒逋宰相書要路軟紅香土顏面黥山田多
種五畝秫何不歸來干日醉讀君酒盡詩正當春温麝阮廚
畢饗旣寂寞生非卯君戒河鮑嫁茄天氣栗留喚花底人家
颺酒幔鄰翁招我椽頭船網得銀鱖剛尺半園中稚子錦棚

脫纓鸞樹雞香醲醇漿流馬乳液龍鬚姚馥自笑老羌渴相
看一笑酡顏含酒星搖搖天東南壁牋刻燭嬾塗寫洛濱舊
事恣傾談有如快啖南越蔗回味愈覺舌本甘勸君莫問文
章伯卽論酒人亦難得岑牟單絞氣縱橫直前割取牛心炙

做廬

無分長乘下澤車浮名悞我十年餘蒼涼漢上題襟集寂寞
山公啟事書喚婦林鳩春雨外補巢社燕落花初也知梁肉
朱門好只自殷勤戀做廬

枕上聞潮

統統漏鼓歇荒雞警朝暎地肺洩左海洶湧無厚坤側想際
莽蒼萬里入胚渾碣如門穴蟻蟲若掀江豚鏗應洛鐘響稟

奪楚纘溫幽宮塞兩豆覆首悸心魂搖搖龜支床蕩漾菰蒲
村醪消恐怖物化齊漆園卻騎夸父杖飄然逐羨門拍浮
咸池畔北斗爲犧尊錢塘破陣樂婆娑諸崑崙詎知隍中鹿
變幻隨朝昏釋龍掃雲霧曉霞光庑庑醒來嗒喪我自悔鳩
爪痕蠅涎仍嘲黿鷺鳩還笑鷓鴣言作風疾五斗爲醉髡人
生各有癖是爲煩惱根龍宮有禁方誰從思邈論

寄懷榕園

吳家兄弟皆好遊青鞋布襪走不休季也少年挾金彈金闔
門外調莫愁君初顧我呼小友自媿盧前與王後箏琶喧
塵拂澤癡君尙能來辨桐扣樂羣自殊王孫猿燕笑每賦魚麗
醫男兒空負霹靂手金印那得大於斗可憐寂寞身後名不

及生前一杯酒君聞予言謂予頑耳不容麥口三緘我終勸
君荷長鑿不見擾擾軟紅內一葉蔽目無岷巖由拳城外天
蔚藍鷗鷺前導十幅帆獨我懶惰畏塵網出門一步卽惘惘
越禽向暖代馬寒能事各不容相強卽今新笋滿園酒在盃
何不歸作軟腳局頭銜暫暑鶯脰長

舟夜懷榕園吳興

橫塘十里櫂歌回暝色漁磯上碧苔雙槳有聲菰雨過一燈
無語夜潮來溪明鷺影如人立香沁蘋花傍枕開何似茗中
更清絕水晶宮裏與徘徊

示仲弟肩吾

亦大勸

尊前歲月已駸駸八口相關語更深門第百年成昨夢江湖

萬里本初心，雨昏篝火春。寒緊鐘遞鄰菴曉，色沉投筆戎軒。
吾早決不堪重憶對床吟。

槎客丈自荆谿歸小集耕煙山館出示與唐陶山明府
唱酬諸什卽席二首

清簟疎簾正晚涼，朋牋還與賭歡場。鱖魚入饌絲絲白，盧橘
傾盤澹澹黃。吟到蘭臺如可續，興來河朔未嫌狂。今宵夢斷
江南路，罨畫溪頭是醉鄉。

有客揚舲陽羨還，黃梅雨過鳥關關。卻看花鴨參差影，多在
谿山迤邐灣。唐貢巖深茶鼓靜，張公洞窅梵鐘閒。何時驟雨
新荷曲去聽雲，郎水榭閒。

吳榕園自苕溪歸枉書見存卻寄四首

南浦離愁滿西園景物清晚煙孤塔白林雨一禽鳴勝地宜
高卧遨遊或累名聞君理征棹歸及薦朱櫻

不及沙洲鷺相隨一葉舟夢寒茗水驛影落太湖秋色連
谿碧菰聲帶雨幽言尋貞曜里佳句若爲酬

爲語牢愁客襟期自汗漫耜經參笠澤米價問長安抱甕春
分近移苗穀雨闌無由譜藥譜聊取楚詞看

欲訪華陽宅因乘海岳船數村紅藕影一櫂綠蕪煙蒲酒拚
狂醉蕉衫穩晝眠故人與溪水相對共澄鮮

夏日村居二絕句

銷夏灣頭慰寂寥紅棕欄間綠芭蕉溪頭幾日黃梅雨種了
魚秧種藥苗

門罷旗槍月滿波
楸枰松下子聲遲
隱囊一覺槐花夢也似
山僧劫後碁

訊笠谿病

一燈孤詠楚纍詞
蘅杜葳蕤暮雨時
家事瑣如琴百納
愁心密似網千絲
溪山十里尋猶得
書籍東家信亦癡
欲慰故人無別語
但言閒與病相宜

題馬少府詩餘

官舍如郵長蘚紋
小庭除夜雪紛紛
竹爐閒潑釵頭茗
自譜新牋和細君

宣慰妝樓一串珠
春坊才調自然殊
不知山抹微雲苟
笑得

秦家女壻無

謂夫人陳翠君筠

爲松靄先生題岑谿三賢祠堂圖

漢法重守牧入卽爲公卿不以資格限俾各盡生平所以循
吏傳往往稱神明微嫌王霸雜商韓猶縱橫錄囚當六月六
月嚴霜零然亦頗強項兼有廉介聲擒治諸大猾豪石不敢
爭豈如百世下但取苞苴盈催科類石壕下考嘸陽城以是
爲酷吏酷吏之所驚側聞治郡縣要使風俗成貪泉戒勿飲
飲水甘如飴先生爲儒者謂富侍西清一麾乃出宰竹馬迎
雙旌交州古巖邑徵側勞誅征夷言雜異鳥雕面馴火耕藤
筆映鬼塔煙火明箐城徭奴控象背雜將傾蚬醬毒鏃臯通
遺鞞刀雅夷擎氣習旣剽悍撫字良不輕先生涖茲土淡然
無所營於劉有前軌因之綏編氓訟庭丹蕉長十丈紅如鞋

吏閒衙鼓靜，忽聽歸飛鳴。蠻人感且泣，莫挽賢侯行。峩峩三賢祠，嬾媚連朱甍。歲時醜清酒，薦以江之蘩。谿流濺雪霰，桃榔陰周撐。啾啾來翠羽，幽煙交檐楹。展圖三歎息，口碑猶津津。永懷范萊蕪，千載有清名。

姑蘇懷古二首

承天寺外雨溟濛，弱業銷沉賸梵宮。十四州隨銅馬去，三千甲散水犀空。行年已自輸錢俶，降表猶然笑竇融。別有鞋山懷古淚，沔陽愁問老漁翁。

瑣瑣興亡話，虎邱更無人。問十參謀，梧桐苑裏碧雲冷。脂粉坊邊紅蓼秋，越絹虛求高士畫。金盤空薦美人頭，臺城一夕西風起。黃葉蕭蕭故國愁。

臯亭山懷古

修門延朝陽臯亭開新霽渺然蘆葦洲水雲正容裔伯顏駐
軍處鳥呼奈何帝一沐而二杭牛角真罕譬卻從德祐末
懷紹興際孔昇本天人況復湖山麗內人紅霞帔頌酒關常
閉重以傾國名金源思掉臂卓哉我淨老知爲禍水計李白
有新詞懷素得真諦誠懸筆諫後師也尙能繼至今廣嚴院
荒草無人薙傳燈一以寂紺宇漁樵憩曩者浴龍池雨過蛩
語細陵谷尙遷變遺迹亦淪替不見寧宗書青山橫埤現
秋暑酷甚午睡夢大雪深尺許庭梅盛放作長句紀之
臯臯千里天無雲一泓秋水鋪桃笙窮愁往往不得寐况乃
酷暑來飢蝨天公似亦憐排擠聊以一夢酬生平銷夏灣邊

夢來去赤鳥銜尾不敢駐茫茫銀海起樓臺注目寒空飛白
鷺恍然身行香雪裏疎影橫斜不知數卻聽蟾蜍搗藥聲丁
丁盡傍溪邊樹欲去未去歸路迷梅花留人夢中住此中佳
境真難負吾欲卜居天許否百年好夢得幾回及到醒時復
何有疎鐘一杵簾如冰戲拗寒香猶在手

雲林

秋暑逼人夜不眠清晨掉艇玻璃天白鳥翩翩爲我導翠微
蘿徑相竄綠山葉初墮多在水林雨欲來先有煙煙中已迷
孤塔影斜陽忽放青山巔安得一幅好東絹却呼王蒙談畫
禪歸來問渡茅家埠兩岸野風開白蓮

雲樓記游

并序

乙卯八月十八日與笠溪作雲棲之游擊艇子自錢唐門至
茅家埠翠屏如畫山黛欲流朝陽激射瀉入湖中湖水皆作
嫩綠色遙望白鷺數點掠漁舟而過近視則湖煙也煙深水
暝杳不見人蘆葦渺然惟聞鶻聲伊軋而已既登陸度石屋
嶺過滿覺衎徑理安以達梵村山中早桂已過人家林莽間
餘香猶可掇也自理安至江上山泉下注匯爲九溪十八澗
憶癸丑過此林木翳翳飛湍縱橫倒灑石壁間皎若霜雪水
中石子青紅相雜瑩徹可愛同游爭拾之歸或盪爲盆山置
蘭蕙水仙之側今年少雨谿澗盡涸石子亦枯槁無色矣行
山中十餘里陂陀迤邐有若旋螺忽而崖斷路絕大江橫其
前江之中鼓聲隆隆然潮信將至甫抵梵村則奔雷靛雪瞬息

千里矣時日已晡聞雲棲鐘動乃入山修竹參天大皆拱抱
嫩綠舒妍簞粉猶濕溪水泠然如奏琴筑西湖奇秀甲天下
泉石之勝無過靈隱水竹之妙莫逾雲棲也雲棲爲蓮池大
師道場方廣數里藥畦稻稜行徑蕭然洲渚回旋鳧鴨相亂
山僧百餘人樵牧灌種其間是夕宿寺中明日度郎當嶺而
還途次得詩四首

清晨棹入游魚隊雲落殘荷珠細碎隔林寺閣尙燈紅臨水
蘆洲有犬吠漁人似鷺雙足拳山影如花一船載秋深冷露
濕蓑衣卻待初陽上蓬背

弄潮兒去波如紙越山倒映空江紫似有船來煙雨中微聞
人語蘆花裏西興隱隱露瓦屋風吹市聲出沙觜故人家只

在深林隔江時見炊煙起

謂邵明經

藤蘿吹人風淒淒山鳥無名時一啼不知陂陀有向背惟見塔影移東西夕陽沉沉照行客叢叢野菊開荒畦江光幾日上新漲寺門高樹棲鳧鷖

松篁夾道微徑開白日不到山之隈寺鐘一動昏鴉集紛紛蘿雪飛成堆道場至此始清淨一弓塔院生蒼苔有田百畝可種秫何不買山歸去來

松靄山房次竹垞先生留題韻二首

山房雨過猶霏微山僧補雲爲衲衣有時榭葉松鼠過驚起藤梢野禽飛沉沉鐘磬如送客短短色籬不掩扉明朝抱甕此間住何必苾芻始息機

竹垞先生舊游處題名曾此往來頻至今詩卷且漫滅何況
當日吟詩人一生未療泉石癖久住恐遭猿鶴嗔習習溪風
送歸客吳娃正采谿中芹

家廣文兄樸研餉黃獨賦謝

擬逐虞臯去桃坑百畝寬藥苗煙未拆苔磴露初乾剩拾樵
蘇徑分供首楮盤極知兄弟意臨別勸加餐

寄懷鍾三秀才辰州和令兄蕩谿

楚天渺渺雁行單短後衣輕一據鞍鴉井夕陽蟲語合龍標
荒箐角聲寒浪游落拓貧何補歸路崎嶇夢亦難料得阿兄
塵滿甌書來無語勸加餐

十月十三日夜與友人踏月至龍山叢篠匏蔓人跡漸

稀明月在地竹柏之影掩映如人寒犬驚吠不已憇西
麓山寺扣扉則僧已寢山童掃落葉墜下竹爐火尚紅
也乞茗飲之循西麓歸月影自林隙來依依似送客人
生不過百年卽明夜有月已非今夜我其如此月何越
一夕月益明復集巒莊莊臨溪啟扉釣磯苔石秋色黃
緣溪西廣五六弓有曾有齋客至輒取魚佐觴主人自
言春水方生種魚如種菜也卽事得四言二首

山寺無人蕭然蓬葆白雲在林有如棲鳥客來叩扉茶煙猶
裊東山之麓目極浩渺夾澗人家燈明樹杪吟嘯而歸昏鐘
未了煙月蒼蒼江天易曉

何處漁村亂葦寒若老屋如舟水平堂砌槩几倚樹有酒盈

匏木葉盡脫仰見鵲巢我家溪西亦有衡茅欲往從之子漁
我樵

爲吳夢唐

玉輝

題觀潮圖

鹽官城外秋蕭屑隄柳千條帆一葉注目寒空杳靄間龕赭
二山出復沒我家亦在東海東八月江村見飛雪中流一線
電光開日氣如虹貫城闕君今斯圖何爲爾振觸壯懷爲君
說方今樓船下於越曷不從戎紅袴褶潭州愼郎正譎詭蛟
牛變幻殊恍惚丈夫那怖春明暴去請長纓一擊楫不然竟
作海外游蓬裙十幅桅如鐵呂宋沙瑤指顧中雞籠澎湖青
一髮卻穿機鞞衣焦布蔗酒營騰紅兩頰歸來繡女作鴉班
直上扶桑看日出奈何頭顱已如許潦倒人間作班詰卷圖

還君三嘆息獨倚龍山竚江月

歲暮海上偶成

卻登秦駐山乾坤何瀕洞海門若控弦檠弧多奇中不知造物意奚取殷雷鬩昨宵朔風寒盡吹海水凍鳥飛鏡影動俯俯不可躡我欲踏冰行差勝針帆送去尋女媧石填卻東南空卜居咸池湄終焉此抱藝細懷鄭三保萬里馳飛鞚力擒絕域王歎致殊方貢伏波與橫海未堪相伯仲蠻夷風土記况足資吟諷中涓尙如是寧能不自訟壯懷觸未已一覺滄洲夢

江村曉起得邵明經書

一杵蒲牢曙色催懷人夢繞越王臺女牆殘月鴉先起柔艣

空江雪欲來愁思已隨寒葉盡遠書還傍燭花開
疑肩斗酒如相念遲我山陰醉百回

客思

江天顛顛唱離歌鬢上星霜冉冉過人似孤鴻秋夜冷愁如
芳草異鄉多五湖一任浮舟楫八口終期託薜蘿爲語家園
礎杵急寒衣莫寄寄漁蓑

奉懷梁侍講山舟先生六十韻

東閣成矜契南皮入夢思世家傳宰相本事笑分司夙仰青
華望生慙卓犖姿扶輪真大雅推轂辱相期已許忘年共虛
懷撰杖私高情難覩縷積想一吁噉名以南濠重官仍左史
隨香含雞舌豔藁截鼠鬚奇傑直棲鴉動揮毫日影遲銀鉤

夢白帖樺燭寫青詞宮女紅霞帔中涓紫燕羈庫綾分柿蒂
內饌徹蜂脾乍可親溫樹無端憶習池螭頭攜畫舫雉尾想
純絲舊第平泉做宏文鎖院垂午莊朝隱穩西室賜書遺荷
芰佳人佩辛夷公子擘湖山排闥入賓客應門疲蕉葉柔於
水松花滑勝脂春芽烹小鳳名搨妥金龜何事襄陽叟偏安
彭澤離憐才思倒屣訪道若周飢載詠緇衣什還歌伐木詩
萬言能共賞片語不虛推鳳閣名猶昔龍門儼在茲濫竽徒
自苦半刺敢輕窺賤子同飛鸞詞源等測蠶濟陽家乘在於
越舊文隳地僻貪風古家貧豈數奇門荒扃戶獸案賸借書
鳴鬼笑劉龍拙人言顧愷癡賣驢窮折券屠狗晚傾卮索米
悲京洛朋賤念漢陂步兵還慷慨束皙且游嬉麴院澆春露

燈船度柳枝桃花蘇小墓鐵笛水仙祠載酒從瀟灑狂歌邁
等夷空成豪士賦難解里兒啞忽在軒過相逢掃徑時名
流多蕩艷時樣敢瑕疵欲訪三年艾誰爲一字師狂瀾謀盡
力砥柱反叢訾任大才難及身卑責敢辭蛙常跳井榦猶每
亂圍碁黑白渾無辨蒼黃轉自疑品題非卓識潦倒只孤羈
牛鐸能諧響鴛鍼必受磁駿須燕市價龍豈葉公知未可同
蕭祐翻教說項斯攜謙无不利惠好更無涯日者青廬地將
求營室資重勞王令筆遂作阮修貽寂寞爲齊贅風流續楚
辭菰村鳴蛤蜊笠澤譜鼠筭錦字憑雙鯉清標憶紫芝停雲
天一角白露水中坻久別終心契逢人盡口碑還憐江上月
夜夜到茅茨

琴媵軒與丙子藕盃二首

傾脂河畔水停待送歸艍添口琴爲媵隨肩鷓作行曲辭三
婦豔羹倩小姑嘗無那青廬地空嗔錄事王
十里澈城路終期抱甕便梅花三畝宅春水五湖船茶筍無
官稅魚蝦有市錢子能操井臼行與築東偏

擬嘆咭喇國入貢歌

聖人馭世昇平日武功文德同屹嶺位六十載垂裳治罔陵
壽考天所頒祥飈甘露溢區宇梯山航海櫂楫攢泥離旃塗
踰萬里珍奇映蕩曜紺丹明珠翠羽各異產白驎赤驥來轅
轅螺舟疑是宛渠國幾年重譯輕波瀾碧瞳鬻髮鞞刀立猿
猱跳擲殊輕儼垂身瓔珞朗照夜蕃鬪錦氍銀光寒自矜奇

巧繪益地方域歷歷珠在盤其餘方物亦殊絕紅霞輝映蛟
蚪蟠輦來殿陛百寶集侍臣色動蓬萊班詔謂懷遠實以德
不寶遠物汝其還搜渠網衣安用此九衢焚之黔首歡旅葵
儉德邁中古聲教遠訖窮人寰有不率者勢震恐曳影所指
形羸辱昨者交趾自萌孽黎季內構如循環討叛伐貳等拉
朽西藏旋亦芟荆管藏人區區閒田訟質成虞芮疆土安曰
朕存恤小國意六師豈好甲冑環寧知綿遠仰威德十萬里
外乘羽翰卉服聽其嚮風至於國大體無增刪夜郎自大雄
長久思藉褒寵驕百蠻三壺八鴻繞日角須彌芥子慙其顏
示之以威有深意弗使蠶食友邦殘周正朔驗王風遠漢詔
書知帝度寬請吏不容通馬市防邊那用閉茶關更聞廟謨

重內治水衡頻賜邊吏聞閩島越嶠廓清晏長鯨掣去弧矢
彎張騫不必窮西域楊僕無勞下瘴灘

簞谷詩鈔卷四

海昌查揆梅史著

與雲間楊簞山三首

廿載馳驅路飛狐躍馬場
竭來孤客鬢羸得塞垣霜
高詠秦風壯懷人楚水長
如何射雕手未擬向天狼

時簞山欲入蜀
依荔裳觀察屬

荆襄未靖
不果行

閉門蕭寺晚秋色正凄
其風雨無人夜關山入夢時
殘鐙寒耿耿長鋏去遲遲
客感知多少堦前落葉知

予亦窮愁者田園漸已蕪
半生輪漚洗萬事付樽蒲
旅跡猶初地心期在五湖
知君歸未得不敢問菹鱸

旅懷四首

苦竹黃蘆一水灣，吟身聊復傍禪關。
名心熱處爐灰冷，鄉夢忙時古佛閒。
醉後愁如潮，有信旅中秋似客。
遲還惟應畫取湖山樣，歸奉衰親一解顏。

西風頻撼梵王廬，閒煞青山獨伴予。
趙壹悲涼窮鳥賦，馬周慙愧相人書。
蓬心已悔隨流轉，霜力猶能供掃除。
我正迢迢夢京國，北來鴻雁信何如。

初心原不墮風塵，貨粟監河有老親。
多病每憐兒女大，辭家其柰雨風頻。
依人蹤跡萍蓬轉，俯首心期燕雀馴。
只有春暉似慈母，天涯迢遞照羈人。

當簷曉月挂雕弓，聞道西南未奏功。
孤櫂欲迴牛斗上，閒身卻憶鼓鼙中。
瘴雲深處烏頭白，楓葉秋來戰血紅。
莫笑從軍

諸蕩子還勝此夕歎飄蓬

寄武康徐雪廬

熊飛

初從子安聞君名口雖漫應心不平長謠寄我硤川上流傳
遠及甌江濱想見顏面無風塵因君愈與子安親雪溪澹澹
山峯峯廻鬱盤陀洩不得寒林颯爽開蒼崖中有驕鷹破空
出今年聞來住當湖相尋擬汎秋菰蘆那知人事還迂疎學
官催考如追逋搗來偃蹇孤山側旁人言君到有日詩好如
君見面難見面翻多不相識此間宋玉香茗才無兩念之如君
勞夢想惟見臯亭霞氣紅知有吟豪下來往祇今流俗多齟
齬軟紅沒斛三十餘銜泥已悔遲巢燕乞水誰憐涸轍魚相
逢莫歎蹉跎久我亦三年空奔走

集華司馬寓齋

倚劍話生平夜深猿鳥驚
河消兵氣白月讓酒星
明手板傳廉吏心交託
後生君看滄海上父老有官評

赤壁庵晚步

初陽臺畔路迥望極平
蕪霞氣遙連郭江聲
欲入湖鳥歸僧共宿
人去塔先孤客思山煙似經行
乍有無

清隱菴

滿身風露下徙倚不成眠
樹響防禽覺苔寒
得月憐吟聲應疎磬
人影媚清漣別有安心法
微參不是禪

葛嶺觀賈似道家廟題名

錢唐江水無情物不爲
青山洗高壁誰教石火劫
餘灰猶認

木棉菴裏容錢俶後身南渡來牛角山河安衽席洛陽陵寢
犁爲田葛嶺樓臺賜作宅祠堂有記已自慙忍復留題餘穢
迹可憐白燕渡江來那得趙家土三尺只今蟋蟀屬他人何
况林間一片石君不見湖心夜夜露華明猶是冬青枝上月
述懷寄少白

連峰拒朝暄磻戶氣慘悽蒙被日趨午飽飯山雞啼未知窮
廬下誰爲供稗稊前日出門去父病方杖藜飢鳥不得食來
啄簷前泥羸然陶侃母愁劇黔婁妻鄰人驚炊煙故指爲虹
霓女子重機杼軋軋山月低利微腕力弱不足奉鹽糶田家
杭稻熟安暇及鋤犁歲暮歷風雪曾不如蒸梨生涯殊草草
囊橐空自齎窮途有涕淚直道遭詆譏客懷已轉輾况復家

累擠匆忙到魂夢在再忘別離天寒鴻雁少尺素何由披君
居龍山下閉戶無險夷好風常在林輕塵自東西安得吹輕
塵隨君返故溪世事難逆料惟恐見道迷駕言速歸裝骨肉
相提攜麋鹿有同羣尊酒尋阮嵇恐君見岐路殘雪堆幽蹊
爲秦大省吾題濯足萬里流圖

君不見周畫師畫水未許王宰知又不見秦公子高浪如山
蹴如紙不知幾尺濤一夜捲入蒙恬毫不知幾斗墨潑作洪
波捫不得君欲我歌歌太顛丈夫會須周八埏五億十選九
萬八百步直與豎亥相爭先紅塵沒踝還及肩卻來濯足滄
江邊手攀古藤含蒼煙疑是堯時十日所浴扶桑枝撐天蕩
簸室兮踏靈湫以足弄水水亦愁兀若玉柱空中浮禹京瑟

縮馬銜含愁既難擘以巨靈之掌又難觸以共工之頭似聞
風雨龍徙窟海水不敢東南流潮兮潮兮與其濯君之足萬
里來之采何如濡君之首釀作鶩黃芻聞君門前列八騶蓋
爲不向東華游亦知胸中有雲夢下視羣輩真浮漚歸來更
作滄浪謳腳底猶纏雙蛟蚪

秦觀察小峴先生過訪清隱菴招同王妙聞州牧華秋
槎司馬陳花南司馬孫蓮峯文湖船小集餞別妙聞歸
無錫卽席呈觀察

霞在黃妃塔上紅菰蒲人語艣聲中疎狂賓客無如我管領
湖山賴有公各有離愁隨去櫂獨將心事託秋鴻如何送盡
東歸客猶爲寒梅滯短篷

留別清隱菴

欲歸不歸如有約獨抱殘書卧高閣滿林風雪絕行踪數本
寒梅映檐角今日人去花未開明年人來花已落花開花落
不自料惟有春湖最先覺試將禪理問山僧昨夢何如風掃
籙山僧飽飯卻垂頭綠茗蒲團睡初著

神燈引

十一月十六夜月有食之熒惑與木星同度躔於牛女之次
夜半吳山火燬四千餘家北風驟起煙焰中雙燈皎然如月
火勢所至燈輒左右之死於火者百數十人是有神也作神
燈引

北風驅雲雲盡墨老臬夜嘯山月黑沉沉寒柝靜無聲獨腳

山魃捧燈出異山蒼蒼成劫灰
碧芙蓉作紅玫瑰蟾蜍爬沙
太陰死熒惑墮地聲如雷
一燈出樹復上樹疑有幽修
暗中語可憐四千七百家
不照朱門照蓬戶北方元武
橫鉤陳燭龍搖搖脚蒼旻
廻光入海海水赤搏桑老榦
摧爲薪天雞叫曙煙氛沒
猶見長虹射城闕長官夜
讌籠燈回照見道旁燒
死骨

東郭女

東家日出西家雨暖日廻春
照歌舞雨聲和葉落西家愁
絕如花東郭女郭東有女嬌
如霞十五有餘未破瓜一湖
春水唾不得可憐顏色無人
誇阿父豪華真夢裏宦海人
情薄於紙道傍人指舊朱門
芳草依然似羅綺蘆花作絮
不可縫含

愁生怕逢秋風秋風吹絮去不返夢魂不到黔江東黔江洄
海浮雲外夫壻迢迢隔吳會妾心安得隨輕塵萬里因風上
君帶阿母相依祇自憐篋中賣盡翠花鈿不知春色年年在
先到江南先到滇君不見蓬萊清淺真成乍况乃朱顏粉黛
假鄰家二月蝴蝶飛梨花初開女初嫁

飲酒示內子以且獨與婦飲頗勝俗客對爲韻浮白伸
紙已得三首少白見過乃移樽餉客不復續矣

臘梅破萼枝嬌妩月暈微黃檠燭炬簾外霜寒潑水如撥盡
爐灰鴿炭啞經年奔走塵沒踝依舊茅檐益無瓦餘杭老姥
休相嚙腹中塊磊成癥瘕碧玉螺黃金罍酒閉關亦聊且
北風吹人利如鏃朔方草深多虻蝮三河少年健如犢夜行

無火然枯髑山中舊存杜陵屋場有稻杭園有菽勞勞笑煞
道旁泥終歲輻輳走長轂手長鑿柄白木盃歸來乎采黃獨
紛紛鳧雁迴沙渚君家兄弟舊儔侶伯通廡下共申旦杵臼
能言猶識汝南湖湖水肥如醕鴛鴦飛來作人語游絲颺春
不知處簾內東風簾外雨鍾詩品陸茗譜與爾相羊且容與

記夢

十二月十九日夜夢至湖上葦枯水縮風聲瑟然俄雲合天
冥湖水驟漲兩堤楊柳搖漾如菰蒲矣南望石屋荔支峯南
屏諸山紫氣接天非霞非旭迴環蕩瀾由旬之內亘若旋螺
得二句云輪囷石作爐閃睒虹入煉似以丹汞喻也聞刀尺
聲遂醒漏三下矣陰雨連旬是夜大風折木意甚孤冷既得

此夢懷中灑如如祈寒挾纈夢豈有痕因心締構夜氣清明
庶幾自慰乃系以二絕句存之

方丈冥茫不可尋蒼波何處滌塵襟天教一夜仇池夢仍墮
雲霞似海深

傑構連雲夾道松往時游冶馬如龍前身疑是黃妃塔夢趁
南屏晚飯鐘

送子安之澈浦有懷永安湖

香街燈市儘遲眠此夕方歌人月圓忽憶湖山颿一葉去尋
風雨屋三椽瓜瓢水色嫌僧唾蟹眼茶湯待客煎堤畔寒梅
春雪霽須君遲我郭門船

元夕送吳子修之秀水

扣帆歸及賞春華街鼓匆匆十棒搥小別醉兼銀鑿落輕裝
畫並玉鴉又蘂蒿滿地鷗同夢春水連天艇是家今夜月波
樓下過試燈風好酒應賒

韜光庵

西澗聞疎磬尋聲到上方竹晴猶雨色山午已斜陽乞茗僧
偏傲看碑徑易荒行吟慙白傅未敢問韜光

二月二日夜點檢歸裝卻寄內子

卸後行滕興已闌蛾燈蝶枕夜漫漫旅人書爲將歸嬾撫下
貧還賴汝安聽雨不堪懷綺歲近游先已悔征鞍重衾爾許
猶如鐵卻怪梅花耐得寒

依舊空囊返敝廬祇應相見一軒渠夢中鼓吹真成累肩後

琴書尙自如小閣香殘勞客思歸裝詩好借卿書羈愁分付
閒花片一例東風爲掃除

阻雨仍留湖上邀子修同作

一夜林霏曉未乾馬塍愁煞老園官閉門漸覺春無價留客
其如酒易闌禪榻賃餘虛長物社錢施盡滯歸鞍年來翻被
桃花笑剛典春衫雨又寒

看雨迴關九曲東今番又落畫圖中花梢淺染簪頭碧湖影
斜飛鷺腳紅連日燕來知近社昨宵月暈定愁風也知歸興
濃於酒未遣匆忙上短篷

先歸硤石子修有詩見送奉酬

尋春何事酒頻酣剛到春濃又嬾探游伴恰逢天下九歸期

恐悞月初三關心風雨聯吟榻回首菰蒲隱佛龕聞道
芳信早須君相與擘雙柑

湖上歸與子安

十日城南鬪好風嬉春悵未得君同酒狂有託呼歡伯花事
無慘唱惱公卯色天低漁具穩燕來笋上食單工重游已共
山禽約茶版吟牀買百弓

審山同子安子修

雨拖山翠潑茅檐檐外諸峯晚又添薄暝已迷孤塔影微黃
忽露夕陽尖藤蘿小徑新抽葉石壁寒空欲破奩林鳥任呼
泥滑滑有人簑笠過西崦

過橫山張氏隱居

雨雨風風上畫樵落花與客總無聊到門滿地皆春水繫纜
斜陽有斷橋家釀熟餘供碧椀園蔬茁後剪新苗相逢擬訪
華陽逸料檢行滕逐野樵

憩西邵灣

飛泉爭春紅落花不自主泉聲和花影并作茅檐雨山家少
四鄰倚樹卽成塢灌園足幽事愈覺歲月古挈朋趁曉來去
及日停午

西邵灣山家夜宿同吳子安子修家南廬作

行從萬花梢轉入亂澗路初聞飯雞啼漸見瓦屋露門前有
嘉樹已覺濃陰布陰濃樹欲欹暝雲扶不住野人供園蔬歡
飲及日暮爲言穀雨多果實恐遭蟲及此春紅爛蒼苔悵幽

步行吟得句遲有似山月吐欲吐未吐間遙情已先赴惜哉
信宿留吾不如老圃

寶綸閣曉起

殘夢落菰蘆炊煙已滿湖沙中漁子飯木末野禽呼春雨隨
湖上山雲到水無回頭見谿女雙足白於鳧

寶綸閣看雨

一峯放晴一峯雨對面相看若相妬亂雲滾滾爭渡湖雨峯
忽晴晴峯雨湖光倒挂青松枝百尺長虹闌不住飛來雨色
南湖南花光竹暈紛相參攜筇有約約雖負肯復老嬾如春
蠶求晴得雨亦一快翻恐初日明山龕巡簷角韻樂復樂低
眉早已成瞿曇天公有意催詩句橫空絮帽鋪雲藍吾詩甚

劣天不取回頭一笑開煙嵐

北湖山家

籬竹新編翠未舒好風容易到幽居
登畎挑菜吠寒犬臨水
拗花驚戲魚布穀鳥啼剛種秫
漁人去已成渠頭銜許署
園官長笑乞山靈卽拜除

湖上偶成

縱遣湖頭少酒帘吾來猶合數時淹
渚邊蘋長藏魚子雨後
泥鬆露笋尖閣小不嫌山作戶
詩成剛好月如鎌無端風信
催人去乍暖還寒似病疴

雞籠山尋子修

路聞澗泉聲如與幽人語
幽人林外逢泉聲不知處

送雲岫作同子安

先生愛山兼愛雨雨後新晴尤有致片雲拖水過湖南又向
前峯作雨意前峯窈窕不可尋襟湖帶海雄且深盤雲野鶻
已在下微茫一壘如秧針吾儕癖性與山同尋常不入城市
中太初往矣誰復在菜花黃到平林東可惜匆匆行腳始欲
別青山行復止青山偃蹇但高眠一任山禽呼不起

別子安

無限風光畫裏諳十分春在潞城南人行溪水似雙鷺僧坐
花梢成一龕白墮共傾當襖飲翠微相對助清談爲愁去後
湖山寂留爾吟筇獨自探

別子安歸取道野鴨嶺

花氣如雲欲渡湖行人過橋與花俱吟藤遶出幽巘上空翠
撲落驚飛鳥溪迴樹轉互掩映回頭已失林間廬卻從炊煙
辨君處水邊人影如菰蒲好山好友易爲別翻幸取徑多紆
徐崦中二月尙寒色流泉界道皆成渠稍稍下見數家屋卻
隨歸鳥投村墟

泊櫓山謁吳秋圃中丞磊齋太常兩先生墓

中丞諱麟瑞與弟太常諱麟徵合葬澈上泊櫓山中丞予婦
六世祖也乙卯冬贅婦家得讀兩先生奏議詩文遺集欲誌
一言而未敢也今年春偕妻兄子安子修游永安湖遂得展
拜墓門敬抒長句

有明末造尙氣節殺身豈曰非君子我謂致君須實用所難

不獨在一死甲申三月天陰霾李花當春吹滿街殿前走馬
十八兒彗星落與飛鷲借空城白日鼓聲啞黃狐跳梁擲飛
瓦漢庭無復折檻臣鄭人誰是登陴者火鴉滿空礮反擊煙
焰中間一人立太常少卿官姓吳西直門前賊不入偉矣授
命荒祠廡二十一人共千古儼從真如杜架閣交游極似陳
同甫曾聞疇曩登第時夢中有人舉似信國零丁詩古今氣
運適符合精氣感召容有之所惜外遷兩疏空復上不然豈
無開府勤王師然而文山恥無弟先生有兄斯可矣桓桓中
丞秉節歛此身要爲瘡痍起袁州羣盜正縱橫星旄所至莫
敢攖篋中誓論不見信邊才往往皆虛名挂冠神虎空歸來
轉眼滄溟揚劫灰金翰林劉念臺公於其間非依回念臺曾

入太常夢夢裏西臺成一慟山河破碎亦已矣後死孤臣豈
得已公孫程嬰各有以可憐白髮卧荒邱不見黃冠歸故里
竭來激上招提路翁仲無言愁日暮秋墳鬼唱雨絲絲野棠
如雪前朝樹

武林客舍寄懷內子藕菴二首

直爲湖山好放顛行裝又累費金鈿碧波嬾照離人影黃鳥
如呼載酒船菰雨有情頻送客春寒無賴祇今年憐余貪看
如眉月纔到初三便厭眠

醉向江天強自寬放筇無地不盤桓菱秧淺水魚花上鴛粟
殘紅蠹影寒家事闌珊爲客易旅囊羞澀寄書難歸來薦酒
青梅大應爲離愁分外酸

盧舍菴二首

小方壺外晚春殘，行腳如僧儘挂單。
結夏柳綿猶作暖，毀茶榴火亦生寒。
劇憐衣薄徹天近，偏覺囊空酒量寬。
多少行人樓下過，狂吟齊指曲闌干。

一片湖雲不放晴，黃梅雨欲到江城。
綠陰似水春難覓，孤夢如煙晚易生。
小舫游人搖畫扇，夕陽村擔壓朱櫻。
碧波無限濃於酒，多恐閒愁釀得成。

初夏湖上雜詠

船尾閒閒立水鷗，船頭短短搖新蒲。
黑雲猶在黃妃塔，已有雨聲到裏湖。

柳絮成綿尙晚寒，水蛙閒占綠蘋寬。
濃陰遮斷橋西路，不放

斜陽到曲闌

殿春穀雨晚紛紛
龍井新芽試夜分
曉睡模糊聞剝啄
山僧來送一罈雲

已過芹芽又碧蒨
風標公子傍湖行
如何一到春歸日
芳草隨人盡入城

質谷詩鈔卷五

海昌查揆梅史著

將至山陰途中有述三首

不能至宰相會作良醫爾今日之良醫無乃縣令是越東地
瀕海民俗尙淳美蛟蜃所吹噓其氣或譎詭頗賴官吏賢引
之以方軌不然竟沈疴飲藥如飲水少讀循吏傳愛慕從此
始祭彤與卓茂謂當得其似忽忽廿八年韶光去何駛刀筆
非所長況堪食客比懷中千金方躑躅何能已

出門遇北風臨發征颿泥長年向東祝剪紙忽開霽遲遲轉
溪灣悠悠望檐際翻飛一紙鳶東西不自計豈知白髮心一
綫長牽繫朝過永和隄斜月微含睇捩施若支更牙牙作鶴

喚關吏來闕人色厲目斜睨千槓不敢發搜索無鉅細檢我
橐中裝殘書無稅例一笑謝關吏艣聲去迢遞

蝴蝶化蒙莊鸚鵡夢永叔吾願爲乳鳩桑陰鳴且啄啄甚莫
啄桑啄桑啄人肉梯影倚苔牆飯雞呼粥粥五月縑新絲八
月裁春服山鄉擅此利往往代耕鑿遐哉永安湖一椽可卜
築病妻不能蠶所幸葉價足誰乞買山資此願終鹿鹿刺促
風塵顏浩蕩江湖曲卻聽春鳩鳴鄉心時一觸

越江詞二首

十五女兒了髻雙阿姊搖艣妹凭窗春潮日暮無人渡芳草
何由綠過江

搗鼓津亭送夕陽東風吹得玉肌涼桃花暗笑同年妹愁比

春江長更長

入春來內子病甚予饑驅俶裝時復念之作家書竟附
書卻寄

信過梅梢又一年窮愁如我賴卿賢拜醫屢質長生庫命客
還捐壓勝錢蕙草帖成嫌腕弱瓜瓞譜就覺名妍寄聲穩護
闌干角婪尾春深穀雨天

集慶講寺觀宋理宗像

竟從人外伴巾瓶彷彿雲耕禮佛亭孤寺有僧知日角六陵
無地哭冬青粉痕欲脫顏猶盛貝葉同藏劫幾經愁絕官袍
黃似杏數枝剛好發疎櫺

梁山舟先生款予於接山草堂遂不果渡江二首

我與寒梅似逢人一味疎不圖僑札畫始信穎陽書錄錄原
無謂申申況詈余塵襟一以滌喜近舊田廬
伍員江上路南望極滄洲何事勞勞者重迴入剡舟詈人謝
方眼問事賈長頭應恕疎狂甚猶能供校讎

懷人口號七首

問訊東吳道阻修似聞種髮不知愁華嚴世界成彈指方丈
烟波早掉頭風雨著書聊復爾葢鹽送老畏逢秋只應一別
清漳水翻被桃花笑白鷗陸大白少白

頻因落拓酒孤斟如此窮途太見侵小別殘春雙鬢改不眠
破屋一燈深冥鴻未定東西影零雨猶懸迢遞心還憶園花

山笋熟衝泥南巷一相尋

家南廬茂才

檻車遙指射襄城有客悲歌變羽聲

謂笠谿

季布一時然諾重

虞卿何處俠腸橫放懷湖海原如昨著眼鶯花似有情今夜

小秦淮上月可無紈扇話平生

吳二子修

三十功名底未休猶將豪氣壓交游黃金自昔悲燕市杯酒

無人酌趙州燈火數椽疑覆鹿菰蒲淺水有輕儵較量畢竟

銷聲好身未朝簪也合抽

吳夢唐茂才

暇日嬉游各弱齡巷南巷北舊曾經春衫庭草雙痕綠蠹簡

蝸書半壁青辭客柴關無犬吠擁衾孤館有雲停近來詩句

蒼茫甚吹入江風帶雨聽

舍弟封湖

聞道三塗久破除葵甘蓼苦總憑渠頓開禪想東華外都付

名心小劫餘一枕黑甜僧退院半簾黃熟鳥窺書劇憐流轉

思鄉夜細雨斜風正釣魚

張笠谿明經

湘江如墨鼓鼙寒孤夢迢迢弱羽翰山鬼悲風啼日暮塞鴻
衝雪到春殘不辭鄉信千回讀直作衡陽九面看我亦經年
離緒積南鱗傳語勸加餐

鍾大窮谿時令弟綸恩客楚中

家南廬游燕作長歌贈之

獵火通宵雉帶箭小侯馳馬如飛電期門伏飛生歎息弱年
直上明光殿歸來河朔草正肥生擊黃獐夜傳膳梁園有客
氣成虹醉叱小侯前捧硯問客毋乃鄂杜豪袴下亦佩烏孫
刀須臾立就孔璋檄落魄曾無范叔袍翩翩書記君無比馬
上恢恢日干紙嘉賓喜就午橋莊舊事還悲辰州水辰州迢
迢連益部槃瓠蘭班背負弩金蠶解放徹宵光蠻女能嘯三

里霧韓范威名遐邇傳上方請劔下蠻天楚山似墨平狼糞
湘水如雲盡瘴烟辟疆內侍君恩洽留得金披舊賜甲走狗
頻過朱雀桁飛鷲莫忘黃牛峽君看小侯何雍容花翎貂帽
驕春風看君意氣亦闔雅燕臺無日無青驄俸分白打囊頻
滿醉乞黃封杯未空西風一夜吹渤海張翰思鄉淚應灑歸
來有酒爲君嘗北湖菱芡南湖蟹

明石砭宣撫使馬千乘妻充總兵官秦良玉像

漢家當日金人泣烽火甘泉照城邑萬里勤王諸將遲孤軍
轉戰蛾眉入桃花馬上請長纓賜燕平臺一旅驚相公談笑
黃巾賊父老壺漿白桿兵滄桑轉瞬迷塵網有似風中殘燭
晃青史曾聞重廩君紅顏何處逢周昉記昔垂髻住夜郎十

五命射必疊雙綠皮靴蹴紅球杖白貝衫揜碧玉幢刀光如
雪團無孔輕燕穿花塵不動翻身下馬解微渦韶齒婷婷朶
雲捧跳月歸來夜未闌侏離小語博清歡媿徒掌握歸雲驪
雌兔迷離有木蘭摩尼驛畔山礬簇石柱司邊風折纛鐃鼓
俄傳寡鵠歌哀笳頓變孤鸞曲義憤龐娥又賜緋更聞叩笳
羽書飛自出睽錢紆輓粟獨蠲斑布製征衣箐城百雉宵傳
箭揚袍粉袂轉輕倩南詔新翻蜀葉妝烏蒙競識梨花面連
營節度盡遲疑雅雨黎烟滿四陲傳檄已過巴子國前鋒直
上竹王祠自從熨道連魚復日午神巫繙鬼錄北來有客未
吹簫西上朝天還列燭洞丁鬢髮來雪雪單騎逐賊如塞蓬
侍兒解控陶踪獸小妹能彎繁弱弓至今七姓知忠義每感

餘威心尙悸那教咳唾落九天一洗人間甲兵氣還憶南朝
劫火餘寧南名字一軒渠行間亦有陳驚座愧煞紅崖告捷
書

錢唐詠古六首

湖波洗盡劫餘塵訪古頻來岸葛巾收拾殘杯棊待詔盡拋
紈扇菊夫人魚羹宋五空前事花影張三孰後身一笑馬塍
芳信開鼠姑猶號紹興春

鳳凰山下劇銷魂那得香姜片瓦存城闕桃花楊妹子天涯
芳草趙王孫寒鐘迢遞潮初上孤冢荒涼碣已昏一片斜陽
迷舊內宮鴉啼到牧人村

節毛落盡髮毵毵十五年餘滯使驂樂府新翻蘇武令詔書

終覺漢皇慙烏頭，雨雪人留北牛角。山河日向南歸去，副瓜
寒似鐵冷山，況味獨能諳。

半閒堂外聽漁謳，尙似杭州水調頭。賸有蘭亭模玉枕，誰教
牛角失金甌。琵琶蟲久埋荒土，蟋蟀經猶鬥。早秋憶得漳南
風雨夜，木棉如雪不勝愁。

祈請修門事，總危飛飛白雁使人悲。北來孤艇藏劉洑，南渡
遺民怨趙岐。雲暗蒼梧魂已杳，臺荒朱鳥淚空垂。崖山如許
狂風浪，偏是錢唐到獨遲。

夢梁誰寫行波，賤節物匆匆覺黯。然箏響尙疑中使，鴿髻高
猶戴孟家蟬。哥黛綠，鰾官人餅，官庫紅簾。姪女錢頻向武林
尋舊事，可憐湖水與湖烟。

湖上寄少白

出城一笑微波含怪我懶惰如春蠶花光百丈上舵尾游魚
爛嚼亦已酣誰家炊烟起深嶂回頭頓失廬眉厂排空孤塔
出復沒良久始見雙尖颭壞雲漸脫山漸露新笋解釋花破
蒼須與湖心如潑黛青山堆在白鷗背朝霞拖雨過山腰倒
曳浮圖入雲內眼前好景吁可怪酒債難償又詩債涎涎燕
尾雙剪分不翦春波剪春蕤聖湖二月釵股滑況復舞腰兼
歌脣況復舞腰兼歌脣君來莫惜腳底皴

南廬別去旬日計程當已過京口夜坐奉懷一首

欲結支纖侶曾無蕙宅錢浮沉偏異地離別定經年露重鷗
先覺江空月易圓金焦憑眺處爲我姓名鐫

聞半山桃花大放

十里臯亭路游人盡綠篷艫搖空翠裏山插萬花中鶯語雜
姬滑春痕酒庫紅如何道潛句祇解藕絲風

聞內子病

憶爾鴛湖上扁舟此夜情萍開山有影水軟艫無聲路近家
書嬾春歸病婦驚大雷行役暇曾否叩柴荆

謂榕園

擬至湖上雨阻不果

出郭春泥滑無端悞契期雲低綠塔上山重壓花欹湖麥新
筍酒交憐仁散棊披蓑吾計決行訪水仙祠

章孃曲

章孃者裴中丞家歌兒也靚麗善鼓琴工諧巧笑傾倒一時

泊開閣被放江湖流轉不知幾見蓬萊清淺而朱顏已非復
疇曩矣比來杭州不能自存至爲人供灑掃役客有以前事
詰者輒援琴流涕商音激楚朱絃迸裂而罷東湖吳公子臺
卿爲述其概并係以十絕句誌司馬青衫之感而屬和於子
春陰廳前海棠方謝意忽忽不自得屬藥甫竟六首簷雨淋
浪悵然閣筆不復能續矣丁巳三月七日寒食識於西冷館
舍

京華回首路漫漫小部梨園興已闌解話河南房次律不知
誰是董庭蘭

鬱金裙疊女兒箱鮑老猶能舞一場多少琴心遺爨下憑卿
爲唱蔡中郎

韋青歌可付飄蓬
龍漢沉沉往劫空
不獨分香人已老
午橋莊在夕陽中

重整梨雲踏柘枝
荔支紅醉習家池
邯鄲道上春如夢
垂老何堪怨餅師

已卻摩登咒謾譎
嬾將綺障寫冰紈
蒲笑指黃梅熟
翻觸禪心一味酸

一聲檀板淚霑裳
醉倒惟應喚葛疆
滿地落花春去盡
傷心豈獨杜秋娘

海上寄榕園二首

沙岸檣舟一犬覘
牽蘿爲屋紙爲簾
叢祠神女朝行雨
碧海蒼龍夜挂檐
土瘠秋嫌新釀薄
天高寒覺早秋嚴
卻來紅樹

江村外山婦簪花盡鬻鹽

井邑千家盡抱城城頭樓櫓與雲平
戍空社燕猶存壘柝靜
江鼉自打更刈稻人歸殘角雨催租吏至菊花晴
杜陵年少
虛秋興獨聽寒潮嚙岸聲

送秦觀察小峴夫子卓異入都三首

回首觚棱十載餘北歸驄馬尚徐徐
江湖滿地生華髮星宿
中朝望使車畫省交游知健在
翠華顏色近何如四方
水旱公應記宣室前頭奉起居

篠簜祖道獨依依廉鎮如公見亦稀
輕甚宦囊書橐重瘦餘
曹掾部民肥使星已動三霄靜
鷗鳥無驚一葦飛
卻望九龍
峯下路白雲猶戀故園扉

瑁璣名場不受憐，衆中公獨賞吟顛。渭城一曲歌三疊，燕市
千金感十年。鄧禹笑人猶落寞，韋丹命酒且留連。尙思卿月
升仙掌，來照江南旅客羶。

接家書知被竊戲成二首

半畝矮屋盡牽蘿，忽漫君來定是訛。莫歎從今貧更甚，家書
已抵萬金多。

秋雨秋蟲滿徑蒿，深燈一犬吠寒臯。只憐胠篋無多子，未償
營營此夜勞。

七夕華司馬招集德生庵遇家銘三留宿寓齋

兩月不出城湖頭，日日殘荷風荷花。嬌欲語我亦非耳聾，似
言人生幾回別。青山亦欲成老翁，卽無折簡召尙擬。馳風鬣

招邀況勝侶相值如秋鴻棕鞋那顧泥滑滑塵尾但惜譚
匆便少纖爪剥蓼芡醉倒已扶隨身筇暮禽催客返猶戀湖
上峯恍疑有佳句落在空烟中秋蟲亦笑人吟到殘陽紅今
夕復何夕玉茗味淡鄉味濃故人邀我剪燭去雙星挂在城
樓東

湖州插秧歌

大暑小暑呼鶯鶯吳田五月未插秧今年蠶豆薶麥好布施
僧院勸斗量蝗蝻人地山雀噪秋成指日秔稻香婚男嫁女
作翁媪葫蘆盛酒歌陶唐誰知甲子一破塊山田一片成汪
洋大風拔木蛟入海雞犬相率棲高牆撐船入市道路絕東
家西舍遙相望結樑岸水下菴書隴頭始見山泥黃重分溝

言金卷三
三
陸犁方罨良苗爛盡生苞稂縣官方報連年熟租吏那顧三
農荒蓬頭赤足買秧去划船兩槳來餘杭八百青銅插一畝
爨下老婦無裊褶不見吾鄉賣秧者糞錢作社招鄰莊肥羊
大肉日醉飽橋梁遍貼青苗行

都中人來南廬無信率瓜寄惱

一別越半歲南北成羈孤忽聞北人語問訊倒履約將以隴
頭使爲君屋上烏如何擊薄裝如何邁征途如何溯淮海如
何達直沽如何思北堂如何念妻孥荒雞聲膈膊野驛多憂
虞定知詩人瘦不敵驢夫腴問我袖刺漫問我田園蕪問我
有酒債問我有官租書長恐難竟擬添篝燈俱詎知口噤斷
一字從頭無頗聞風埃中不復懷菰蒲自入宣武門雙踝埋

泥塗驅車帽撼耳海淀日已晡烟煤迸樾炭冉冉熏肌膚易
酒初開泥柶榾煨黃鑪蔥凍裹翠餅細麪熬如麩傾囊買一
笑醉倒胡姬扶耳熟燕趙語鄉音漸模糊憶昔總角交洛濱
相追呼卑棲南巷側游泳來舞雩劇談每長夜脫口無精麤
狂名遍通國唾點皆隔膜匹如犯夜行曾不愁金吾頭顱各
老大壯志思弓旅風塵信流轉流轉如轉轆人海工軟媚狡
幻求華靡詐甚狙公芋醜亦宣王嫫承蜩薄偃僂艷歌誇皇
琴甘唾冀公面競挽丁謂鬚飛蛾乃向燎威鳳或作斂杜陵
悲冷炙齊士悔濫竿盍思江村上秋社追吟漣溝塍秔稻熟
筇簪撐匏蘆團臍朝紫鱗四腮膾銀鱸登高插茱萸只少君
與余余猶賦近游足不出三吳念君清霜下四壁吟螻蛄鴻

書尙杳渺安望返田廬何當買蹇衛長鉞歸來予貽我燕山
雲貯之燿矮壺

八月十三日開張笠谿訃三首

傳來凶問乍模糊纔接鄉書尙道誣底爲窮愁煩藥暴竟慳
清福及菰蒲人猶可贖千金值痛到難言一字無歸日生芻
客我拜那堪揮涕問諸孤

正從玉案賦登樓落葉初驚旅客愁良友無端成永訣異鄉
何苦又中秋依人歲月悲青草悞爾功名到白頭偏值蠲肥
稅稻熟招魂是處有荒邱

已負經年約耦耕永安湖水亦淒清家如可託何妨死夢卽
相逢已隔生蝸篆蟲書虛夜月棲烏窠鵠總秋聲燕臺有客

懷鄉甚驛使頻來問子卿

適得南廬信
問君近狀

短歌

脾生肉足重趼勞者日悲歌
逸者自懽宴重耳逐鼻犯何乃
壯志變功名因激成去去勿復戀
寧爲胯下兒莫受漂母飯

再哭笠谿二首

潦倒無人肯過從
記余風雪歎窮冬
何曾僚壻輕嚴助
未有殘賓薄敬容
腹痛空懷雞黍約
眼青忍見薜蘿封
雲山向日經行處
自此無心倚短筇

身後誰將大廈支
十年杵臼媿心知
遺書剩勘方殘葉
孤子眞拋未了基
人被墨磨原易盡
病緣窮祟始難醫
天涯有客傷心劇
忍見悲號飯含時

題畫三絕句

徑鋪鵝卵短筇支一剪
檀藥插綠瓷冷眼看他高著幹
秋風不到最早枝

墨障淋漓取勢空
焚襄烟水日濛濛
我來一覺紅塵夢
翻笑青山似夢中

閒將廢圃付吟蟲
亂葉枯條埽未空
不得秋霜些子力
明年何地著春風

答內子二首

湖波如笑強勾留
徐淑書頻問遠游
苔綠女牆吟促織
秋紅花信怨牽牛
香橙欲擘先防肺
社燕多歸始覺愁
便擬一枝柔艣去
隔宵擘擋舊衣篝

昏燈竹院雨風聲欲遣雙魚寫又更執爨休教勞白髮讀書
漸解念蒼生無多良友偏嗟命最好青山總隔城只有短垣
秋信到不嫌遲暮待歸程

來札云女蘿花尙未
開想亦待遠人歸也

內子再孕不舉謀爲余買姬戲答

貪抱嬰媿一泣然明珠何計買嬋娟伊其相詭卿休爾我見
猶憐事或然畫格梅花橫女字春愁裙袂壓男錢只嫌錦瑟
如人長破費盤中蘇蕙篇

舟次望弁山殘雪

未曉啼風鴉掀篷已荻村弁山澹欲銷烟外青一痕朝暉射
浮玉漸見諸峯分了了明殘雪昏映孤松根鏡奩互涵泳雲
光相吐吞遙知壓竹響應有樵人聞蒼茫卽前路汀蕩吹微

芬此時餘不淡愁劇梅花魂

孤山酒醞有感

花氣熏人出郭遲嬉春重問水仙祠沙堤不改垂楊色卻放黃鸝過別枝

葛林園晚步

向晚西冷路經行杳靄中龕深明佛火蘋綠上湖風棲鳥聞鐘定春潭得月空參寥如可約相與飯園菘

舟次望硤石兩山作寄榕園

去年除夕祭詩彙詩思已同秋葉埽今年更廣絕交論轅下駒還甘鷲鈍詎知結習如春葩纔蘇土塊抽萌芽吟朋社飲偶落寔蹙鷓漸欲成癡瘦逋翁臺畔花光午稚川井邊山黛

嫵故人招我亟教關新綠一谿疑礙艣蓬底跛腳謳滄浪獨
與孤塔相低昂風吹鈴聲互麋答似言客子何郎當郎當客
子無如我卻有青山迎道左明朝試酌紫微泉一洗塵心學
禪坐

王山園

純

招集審山僧舍

紫笋鄰園竹紅泥古寺牆品茶葛洪井選佛贊公房客冷因
某狎詩豨借酒狂行窩如可憇煩爾埽繩床

梅里訪竹垞先生故居

梅花溪上波潭潭霏微晴淥疑朝嵐舍南舍北長春水紫茄
白苧開繖菴竹垞醜舫百弓地遠揚桑影眠吳蠶牆根溝水
漂瓦礫紫微山石紅猶酣荒街雁戶不相識能指陳迹無兩

三聯警亭子數椽在有似燕去留空龕先生少年盛才藻華
林七錄書奇貪鴛湖會入十郡社無錢典到厨中坵碧漪坊
中亟枕菲金風亭外資游探徒令霑溉到後學蘭成舊宅落
粼粼米家研山亦流轉蟾蜍有淚應空舍揭來海棠苞正坼
紫藤艷雪紛相參長觸舊事念存沒顏家園裏斜街南康熙
至今纜百歲豈知人事如傳柑長蘆烟水澹如畫鴻臚皴染
誰能譜權歌十里窈然去月波有酒姑開壘

鴛鴦湖

我行汎清漣葭村上初旭隔浦由拳城搖兀菱蕩曲湖波漾
空明孤帆與之綠不見鴛鴦飛含情渺遐矚水鳥背人去沙
上留遺殼楊花初化萍魚子若蠶蠟載詠漁具詩松陵尙可

續薄靄衝寒來
蓬根眠不覺
感茲淡蕩游梭
艇忘局束卻望
具區山微露烟中角

過烟雨樓

畫水須畫烟
澹若遮輕紗
畫烟更畫雨
浦漱明寒沙
要使坳堂間
空濛遂無涯
南湖宛如畫
欲丐坡翁義
春波滑勝笏
倒影朱闌遮
吹笛鵝黃陰
知有雙吳娃
泊舟一延攬
臆翁之所家
華亭董尙書
遺墨騰龍蛇
九峯三泖外
巨浸詎不窺
曷爲魚樂國
此地偏咨嗟
低昂烟雨中
港汊迷輕舸
夕陽自西來
澄空生朱霞
跳珠打折葦
搖漾猶鞦韆
人家浮兩岸
一一排蜂衙
春蕪送歸客
日暮聞官蛙
窈然隔烟雨
去艫猶嘔啞

中園以詩送予之吳門賦答

又擬經年遠做廬偷閒暫得話居諸無聊燈火閒春雁多事
關河託蹇驢家計纔諳書卷懶名心漸冷友朋疎看君穩睡
東窗下縱有窮愁我未如

秀州感徐忠懿公事

滄洲昔播遷義旅俱淨沉澗琴改變徵鴛水汨以深西臺魂
髣髴朱鳥不可尋孤城浸三板誰聞禾黍音同時劉忠端永
懷殉國心降城不肯居楊禰矢哀吟公獨守陴死所見疑辰
參詎知事勢殊異苔要同岑至今可經堂雨蝕幽苔侵修筠
隱荒壘回首龍山陰逝言辭椒漿典冊垂瑤琳公葬龍山之陰去秋同人
乞碑文于秦小峴觀察而梁山舟侍講爲書丹以表其墓

晚泊放生橋阻雨不能登岸有懷朱梓廬丈錢寶甫孝

廉二首

不羨雲中守朝朝負弩趨山川圍馬邑風雨夢鷺湖解組投
閒早諭詩與俗殊竹垞家法在應許問皇琴

顧況荒臺樹徐恬野寺風三年隔烟雨一夜滯孤蓬高詠朱
絃合相思谷水通讀書堂在望咫尺斷來鴻

吳江曉泊

旅宿鱸鄉亭漁火照孤夢不知初日升水驛漸已開春波蹀
紋圓鯛魚吹菰葑綠樹紅浮圖風鈴時一弄小艇衝烟來柳
梢去如送言尋三高祠洄瀾生寒霧蓴絲渺難拳溪鱖毛可
供抗懷陶朱子浮家天宇空不見南陽宰遂抱藏弓痛去去
信所如時禽發幽哢

席上觀劇二絕句

氍毹貼地舞腰輕，華鬢低垂似有情。
昨夜杏花疎影裏，爲誰吹笛到天明。

風月河陽鬥酒鉤，堯卿杖鼓喜生謳。
哀絃迸入吳江水流盡，吳王苑裏愁。

拙政園二首

十笏荒園話廢興，百年青史感難勝。
壽陽已報平南入，姑熟空將太傅憑。
春燕有情迷舊巷，兔葵無限賸寒塍。
風流何似鷗波老，閨閣爭傳管道昇。

萬里遼陽化鶴還，閩人歲歲望刀鐮。
徒令聖主輕危素，何似江南怨子山。
落葉有詩吟故國，小園無賦出人寰。
寶珠

今日多零落尙想花光照髻鬟

虎邱卽目三首

雄蜂雌蝶競相撩
短簿祠前泊畫橈
隔岸有人簾下立
支頤不爲聽吹簫

薄暝燈船盡入城
玻璃窗拓夜調笙
河橋一幅羅裙水
可是臙脂染得成

門掩斜街不染塵
棲鴉流水送殘春
落花糝雪簾垂地
微逗釵聲覺有人

獅子林

瞿曇昔墮地一吼
竄貙豻亦有阿育
柱怒猊常鬱蟠
何年辭給孤占此雲
水寬竭來帖衫尾
惟見青巒岫犀珠
迸土出歲

久成琅玕天風一相戛疑有聲珊珊無苔石自綠不雨池猶
寒縈紆諸巖洞訝是神所剗窈窕跨虛碧空明遂無端流雲
障面面幽磴行團團往還五雜俎出入雙井餘勝游傲陶峴
褰裳成遐觀幾時問眞宰五嶽劓心肝

席上戲成同鮑卧雲昆季四首

紅窗吹笛捲羅衣弟子風標認宋禕無奈伯通橋下客春愁
已共落花飛

初三月子影嬋娟剪髮雛姬也破禪比似田田小荷葉歌珠
欲溜不成圓

當筵誰認鄭櫻桃似繭閒愁不可縲我是龍洲劉處士旅懷
無計問檀槽

樽前不斷臉霞紅馬滑霜濃唱未終最是比肩燈下立可堪
仍號鮑孤鴻

由支硎至千尺雪遶寒山南麓抵天平謁范文正公祠
登靈巖以歸三首

十年困奔走鳧雁謀稗稀有廬龍山下萬箇篋當齊清明抽
笋蕨春社供豚蹄歲時酌濁醪妻孥相提攜所嗟于役後戚
戚道路迷何如趙凡夫偕隱寒山西朝吟林霽空夕吟山月
低溪霜滃欲來綠上卿子笋瀑流霏積雪日午風淒淒竭來
問陳迹沙上眠秋鷺

范公昔贍族義行人所咤牛眠占吳鄉檜柏殿初夏往尋白
雲峯已著雙不借卻從松烟中邂逅得僧舍茶話覓小憩羣

峯已來迂路絕一柱橫蒼蒼合無罅孤藤危欲崩巨石路尙
架踏雲猶踏空寸碧不敢跨半途忽改詣夷險俱欲謝又赴
靈巖招夕陽見嬌妩

肩輿上靈巖言尋陸玩宅疎樹隱湖濱鐘魚亦已寂茫茫指
具區日暮吹蘆荻漁洋與法華浩渺不可覩眎茲莫釐峯銀
房頗厯厯萬頃白玻瓈遙見山翠滴千秋館娃宮太息一片
石已從陶朱游五湖趁秋汐異時景陽井惜無鴟夷客

呈錢竹汀宮詹

海內論詩主性情無慙騷雅總難評卻來戈壁窺流派始信
雲和有正聲笠澤菴鱸鄉味美滄浪風月講壇清主張文範
迴頽俗沾溉還應到後生

滄浪亭懷古

滄浪問遺構草樹尙蒼鬱迴磴接崇阜淺瀨相縈拂想當縛
茅初斗酒氣蓬勃乘興泛小舟盤閩路詰屈稻蟹覓秋塍渚
茶散清樾高僧隱君子來往共解髮試觀韓雍書復何愛簪
笏所嗟四萬錢旣足買風月故紙值幾何得勿太寒乞遐思
元璟時廣陵耀朱紱池館詎不勝後人俱訥訥子美一羈旅
風流乃未歇寂寂衡山書恐被荒烟沒誰爲商邱公重與修
襖被

別補亭

卻下長洲返釣磯棟花三月卸征衣孤舟何處日將夕春水
方生我獨歸別思虎邱芳草碧加餐鶯脰鱖魚肥明朝試揭

孤篷望風雨吳淞一雁飛

過震澤湖

林屋夕陽明洞庭春水生孤舟如落葉葉葉下江城草綠人
千里燈寒雁一聲青峯七十二應笑布帆輕

秀州絕句四首

袷衣三月上吳船楚雀膠膠草似烟不改故鄉風景好紅鬢
浴子柳成縣

永夜吹笙冷絳脣南湖估舶亦逡巡分明聲在垂楊岸祇見
紅窗不見人

桐花吹滿春風樓樓下湖波綠似油不向冷仙祠下過畏將
鄉夢入孤舟

橫塘菰葉夕陽明魚子吹花作雨聲
遶郭春波雄鴨綠艣枝
搖過秀州城

東山白雲庵同少白聯句

到門諸崦合中夾一谿分攜手入寒竹
和僧生白雲石泉當
戶見山果墮風聞了了味禪寂多忘炷夕熏

午日酌酒言懷示同志

菖蒲出於泥炎飈吹獵獵雙枝搖劍股
性勁亦近俠何時代
包茅翠汁糟床壓一瓢淥已酣山榴紅
照罍酒腸如轆轤醉
語每重疊託處人海中詎不念舟楫深
厲淺則揭風詩取匏
葉頗聞槐花黃快若熟羊胛燕蝠爭晨
暝蟪蛄寄眉睫紛紛
固難喻耿耿聊自愜甘葵鄙在弱駿騎
笑蹇菴蓬蒿五畝園

春風喚鴨鷓且將活人書姑作種樹法上堂有老親給役無
婢妾歌謠信口成觸手動盈篋盛年學干祿取徑誠甚捷羌
獨狎犀首百壺供一呷年年午日逢相對兩朱頰

重午後三日吳丈兔床招同陳半圭吳亞白游橫山晚
泊硤石小飲

言訪道翁宅榴花照眼紅放船斜日裏煮茗綠陰中客話雙
峯雨漁歌一笠風拚將河朔飲眠約野鷗同

橫山道中次前韻

疎林延暝色魚尾斷霞紅禽語皆方外溪聲亦定中晚航多
野趣川路挹樵風吾欲尋僧衲相將結夏同

枕上聞泉二首

月落未落天欲明水村何處響
訇訇松風較小雨差急
鬢髮雲棲竹篔簹聲

夢墮澗松呼不起巢雲塢樹睡
鄉中出山任爾奔騰去
凹枕黃梁耳已聾

野步同少白三首

匝地松陰翠作堆柴扉兩兩背
山開野雲不上臨溪樹爲讓
炊烟入畫來

徑如蝸殼屢欹斜塢珠官綠樹
遮晚飯山僧閒洗盃隔溪
指點看殘霞

偶踏芒鞋過別村官蛙閣閣水
泆泆分秧天值微陰後
隔岸人家種綠雲

夢子修卽效其體

沉沉別思如春醒
今夕何夕初月明
歸期屢謾書空約
詩格不同夢亦爭
半年與爾不相見
一燈照我殊有情
五更出戶澗松響
疑有吟人曳履行

東山醉歌

兩葛屨一匏壺
健步快過田間息
世上誰復道翁逋
青山何忍付負芻
年來懶散遺世慮
但未剪髮同僧雛
墨雲四圍檜柏廳
下有行潦瀟瀟通
山厨撐空壞塔太
孤瘦藉此夏木生
清腴維摩丈室絕
氛埽客來自淪風
中醯蒼苔不損柱
杖鐵一方碧玉庭
中鋪與君追暑約
還往醉來赤腳歌
烏烏

歸家口號

藤架全欹板屋斜行吟三徑手頻叉呼童莫掃新黃葉已把
青山質酒家

早秋湖上二首

金沙港口歸舸遲看花又過錢王祠白蘋開遍東西路祇有
划船小女知
比鄰相約拜花神試較花神瘦幾分一樣秋來好蝴蝶無心
更逐畫羅裙

答內子

塵事已如此茫茫何所之浪游我豈願客況爾應知僮點頻
辭主曩慳并乏詩殷勤持并白一慰故園思

秋雲

秋雲何事傍禪關爲與山僧約往還昨夜無心潭上宿曉風吹上翠微閒

寄南廬

老屋依然卧薜蘿愛閒猶不廢高歌身如黃鵠同游少詩似秋雲變態多酒債記曾釵屢拔鬢絲愁見鏡新磨黑窰廠畔登高處我正湖頭理短簑

寄家人

我已成秋鷁無風亦退飛江湖還獨往飄泊不如歸歲晏有霜雪山深無是非回看禾黍熟黃雀一時肥

秋闈報罷簡諸同志四首

蟾蜍空有淚痕斑且覓醞醑一破顏不作春明塵埃夢也應

知我戀鄉關

龍山歸去有蓬廬
學種黃桑五尺餘
從此頭銜隨意署
呼牛呼馬總憑渠

日日狂歌近水湄
筆床茶竈鎮相隨
倘教得意秋風去
紅葉青山卻付誰

聽風聽雨到湖鄉
秋氣先來此地涼
卻笑青衫潦倒客
依然消受好重陽

秋感二首

村村耒板夕陽斜
烏柏林中便是家
我獨研田耕不得
一犁扶處卽天涯

養病鎮日閉精廬
依舊空囊悔曳裾
始意故園窮亦好
一瓢

盞粥了殘書

重九後一日同竹樓放櫂西溪尋秋雪庵

路入符簷有磬聲荒寒直是少人行老僧不管秋深淺盡把
蘆花付月明

漁弟漁兄話夕陽舍南舍北山柿黃城中晚飯不歸去煨芋
如拳勸客嘗

九月十三日晚飯後至段橋涼波不動素月疑烟聞隔
湖吹笛倚歌尋聲至昭慶寺遇鮑丈綠飲延博偕過華
司馬秋槎寓齋茶話

吳語纔聞便可憐段橋烟水肯回船玉簫有底關心事吹得
湖灣月子圓

襄陽舊舊萬天民相對資
語隱淪秋雨秋風禁不得
蘆花
頭白況詩人

寄訊武康徐雪廬

予交雪廬在乙卯之冬是時予初婚雪廬操長歌見贈其夫
人陸氏亦以詩扇爲內子賀四年於茲矣今秋遇諸湖上譚
論甚歡已而別去聞有奉倩之傷卻寄

茗山雪水太蒼茫河渚逢君上野航
想得迎門惟稚子未圓
山果已經霜

東湖重返舊漁磯雞肋功名悔
昨非惹得弄珠仙子笑襴衫
何苦換牛衣